

## SOALAN LAZIM BERKAITAN PENDERMAAN ORGAN

Adakah pendermaan organ dan tisu akan mencacatkan jenazah?

Proses pendermaan organ dan tisu tidak akan menjejaskan rupa dan bentuk jenazah. Pengkebumian boleh dijalankan seperti biasa.

Adakah semasa bedah siasat (*post mortem*), organ dan tisu akan diambil tanpa pengetahuan waris?

Proses pengambilan organ dan tisu untuk tujuan transplantasi hanya boleh dilakukan setelah mendapat kebenaran bertulis daripada waris dan mesti dijalankan secara steril yang berbeza dari proses bedah siasat.

Adakah seseorang yang disahkan meninggal dunia kerana Covid-19 boleh mendermakan organ?

Seseorang yang disahkan meninggal dunia kerana Covid-19 tidak boleh menjadi penderma organ kerana ia penyakit berjangkit.

Adakah sebagai pengikrar pendermaan organ, rawatan semasa saya di hospital akan terjejas?

Rawatan hospital tidak akan terjejas, bahkan rawatan terbaik tetap diberikan kepada semua tanpa mengira sama ada pengikrar penderma organ atau tidak.

Adakah semua organ daripada pengikrar akan diambil setelah meninggal dunia?

Tidak semestinya. Pendermaan organ akan dilakukan berdasarkan kriteria berikut:

- Hanya organ dan tisu yang didermakan oleh keluarga.
- Organ dan tisu itu masih berfungsi dan boleh digunakan selepas kematian.
- Ada penerima sesuai yang menunggu.

Sekiranya seorang meninggal dunia di rumah, adakah dia boleh menjadi penderma organ atau tisu?

Seseorang yang meninggal dunia di rumah hanya layak menderma Kornea Mata sahaja dan prosedur berkenaan boleh dilakukan di rumah jika menepati kriteria.

# JOM IKRAR DERMA ORGAN

Ayuh daftar sekarang sebagai pengikrar penderma organ selepas kematian.

Dapatkan informasi terkini kaedah pendaftaran sebagai pengikrar yang mudah dan cepat di laman sesawang dan media sosial rasmi Pusat Sumber Transplan Nasional.

Maklumkan hasrat murni anda mendaftar sebagai pengikrar penderma organ kepada ahli keluarga dan waris supaya mereka faham dan dapat memberi kebenaran apabila tiba masanya.

## DAPATKAN MAKLUMAT LANJUT BERKAITAN PENDERMAAN ORGAN DI MALAYSIA



# INFORMASI ASAS PENDERMAAN ORGAN DI MALAYSIA